



14429

III

MAG. S. D.

P

fus

ep. gen.

Radziwiński Victorius: Aescia sanctua-
rium aedificans in occursum D. Alber-
to de Filia Koryński etc.

PANEG. et VITAE
Polon. Fol.

Nº. 471.

I

C

Per

I

ASCIA
SANCTVARIVM ÆDIFICANS

In occursum

Illustriſſimo & Reuerendiſſimo Domino,

D. ALBERTO

Comiti de Pilca

KORYCINSKI,

Canonicorum SS. Sepulchri Hiero-
solymitani Conuentus Miechouiensis

PRÆPOSITO GENERALI

Canonico Cracouiensi,
Secretario Regni Maiori, &c. &c.

Dum primò Miechouiam ingrederetur,

Auspiciſſimi ominis ergò

Per Fr. VICTORINVM RADZIMINSKI,
*eiusdem Conuentus Professum, & in Alma Academia
Cracouiensi Philosophiæ Auditorem*

Officiose

EXPEDITA.

Anno Domini, M. DC. LVII. Die 27. Octob,

CRACOVIAE,

In Officina Viduæ & Heredum Francisci Cæsarij, S.R.M. Typ.

C.



IN ARM
KORICINIORVM.

Ego sum, qui dico Hierusalem: Ædificaberis,
& Templo, Fundaberis,

Isaia 44.



BIBLIOTH. UNIV.
VARELLONICAE

ASCIA quæ Lechici struxti primordia Regni,
Quæue manuductrix Religionis eras.
Crux præit, Omen habes. Solymæ de Montibus, ipse
Victor, in occursum fert sua Signa Tibi.
Ingredere ô fælix / nam Te Tua Fata vocârunt
Ædificare pijs Moribus Ecclesiam.

*Fr. Matthias Augustinus Wolski,
Artium & Philof. Baccalaureus,
Ordinis eiusdem.*

AD ILLUSTRISSIMUM
ET
REVERENDISSIMUM
GENERALEM
PRÆFATIO.



Sciam Gentilitij Sanguinis Tui vetustissimum ac nobilissimum Insigne, breuibus & inconcinnis non tam adornatam, quàm verius adumbratam verborum lineamentis, Tibi offero Illustrissime ac Reuerendissime Domine. Non quidem muneris mei erat, cui & ingenij imbecillitas, & vocationis à mundi strepitu, segregate palestra Harpocratis indixit silentium, in ea luci publice exponenda desudare, cuius laudes inclytas admirari melius, quàm enarrare antiquitatem norunt historia: sed deuotissimus Splendoris eius scrutator non Panegyrista dici maluisssem, ni Tue Reuerendissime Celsitudinis felicissimus hodiernus ad Præposituram Miechouiensem ingressus, cuius Serenissimi Regis fauore, ac Sedis Apostolica benedictione, Præsul inauguratus es; tam nostras, quàm Illustrissimorum hospitum mentes in noua gaudiorum tripudia prouocasset. Gestiunt proculdubio hostilitate diuturna prope exanimati animi: erigunt sese quantumuis rubigine circumductæ prælorum Officina, cum suis syllabarum ac vocum agminibus, in Panegyres Tibi contexendas mutuo secum decertant, ut ad felix & fortunatum Tui aduentus auspiciu, & Tuas, & Maiorum Tuorum Ceras condigno in publicum exponant officio. Quid verò vniuersus Ordinis mei cætus, quanta in die solennitatis Tue obsequio gratulabundus exurgit? Crux Alma Religionis nostræ decus; postquam Othomannica Hierosolymis pulsa fuit Tyrannide, non solum Redemptoris nostri purpurata, verùm etiam Confratrum nostrorum depicta cruore, in societatem triumphorum suorum bellatricem Tuam inuocat ASCIAM, cuius opera & industria pristinum pollicetur se recuperare Splendorem.

Gratulatur sibi magnopere, videns Tuum hoc Gentilitium Decus à tot
seculis suis postibus insculptum, nunc denuo ad claustra munificentie stru-
cturam rediisse. Quis verò cogitare potest, quanta gestiat lætitia, & Do-
minici saxeæ imago Sepulchri cū Scarza, vel potius Straza, antiquum ad
excubias sui thesauri aduentare videt, quæ vel ipse Sanctificator CHRI-
STVS velle insigniri putandus est, cū fabri filium Iuliani voce se sub-
sannari non erubuit, & patrem putatuum in terris non dissimilis artifi-
cii sibi praelegit. Resurrexisse sibi iterum nostra Hierusalem videbitur,
dum talem suas Curules videt conscendisse Presulem, qui ex ruderibus
Antiquitatis eruta Trophæa in apertum proferre, ac ut Deo & Christi-
anitati proluceant sciet dedolare. Quocirca ad tot festiuas omnium
acclamations patieris Reuerendissime PRÆSVL, & meam sese
erigere balbutiem. Scatebit illa fateor sui seculi vitis, & inter Mar-
tiales undique circumstrepentium armorum buccinas enutrita, vix ali-
quod Musis dignum præferet encomium: sed si Tuae humanitatis adyta
ingrediens, benignam attigerit manum, quasi à Myde fabulosi contactu
nouam sibi faciem, & nouum literature acquirat Splendorem. Acci-
pe igitur iam hoc quantumuis leuidentse obseruantie nostræ in Te Mne-
mosynon, & prout cepisti, me vnâ cum Hierosolymitane nostræ Familie
vniuerso cœtu, fauore & beneuolentia prosequere. In Conuentu
Miechouienſi.

Ita vouet & precatur

Humillimus & deuotissimus
Cliens

Fr. Victorinus Radzimirski,
Can: Reg. C. M. P.

PANE.



PANEGYRICVS.



Illuxit aliquando post tot tragicos in Orbe Sarmatico tumultus, exoptatæ tandem pacis felix & auspiciatum initium, quo vniuersos Regni Ordines, de Patriæ recuperatione hætenus sollicitos; de Ecclesiæ Sanctæ Romanæ, & Fidei eiusdem Apostolicæ defensione insomnes, nouum lætitiæ genus exhilarauit. Quid enim vnquam Poloniæ votis felicius, vel magis salutare poterat accidisse? quid aliud assidue fidelium voces exposcebant? quam vt Præpotens rerum Arbiter Deus creptum nobis sædisfragorum versutiâ Regnum postliminio restitueret, differenataque temporum perditissimorum tempestate pacem Patriæ, Religioni Catholicæ veram libertatem, & publicam omnibus præstaret tranquillitatem. Dolebat enim & vehementer agebatur, Sacra Regia Maiestas, vnicum Cordis sui, & Maiorum suorum delictum Poloniam Fidei Orthodoxæ Excellentiam facile alias Europæ partes superantem, videns inter hostiles expirare machinationes. Vidit, & mille dolores, videndo sensit, hunc murum Christianitatis, non Copijs militaribus, neque formidando aliquo conflictu, sed tubæ hostilis clangore dissipari, vidit Pseudo-Prophetarum apparatu fundamenta conquassari Ecclesiæ Dei: hinc inter tot Cœlorum iniurias, & tot aduersitatum procellas, non dubitauit infractione animo, insurgentibus contra nos vndiq; periculis obuiare; vt vel suo Sanguine fuso, hostilis rabiei & perduellionis ardor extingueretur, & in his latè patentis Sarmariæ Campis foecundius in poste-

rum Religio Catholica germinaret. Nonnè & vniuersi Ordines Regni huius amplissimi; & nobilissimus Regni Procerum Areopagus, acerbissimos pariter fenserunt doloris ictus? cum illæ liberæ voces, & Officiorum Regni Sacrosanctè, hucusque custodita munia, cum Serenissimorum Regum instituta, atque adeò Reipub. totius prærogatiuæ, suis sepelirentur Cineribus; cum pruriente Hæresum malignitate; Sæcta Romana Catholica Fides excusso suauis Christianæ seruitutis iugo, in execrandam conscientiarum libertatem, & mille rituum differentias degeneraret. Quis dubitare potest, quomodo sanguinolentis planè lachrymis ora & oculi vniuersorum Reipublicæ Ordinum irrubuerunt! quomodo cor languentis Patriæ nullo melioris spei refrigeratum pharmaco, inter assiduam, quæ desperare cogebat rerum vertiginem, propè exanimabatur? Docent hoc ipsum, & exaggerant nobis inopinatæ quorundam Procerum mortes, quas non tam annorum grauedo, aut virium debilitas verum vnus de Patriæ funestis successibus biennalis causauit dolor. Sustulit hic è medio tot Episcopos, & Duces, pro Religione Catholica zelantissimos, deleuit Magnanimos, & permultos Poloniarum Senatores, atque alios Proceres prudentissimos consumpsit: qui tamen, terribilium omnium terribilissimam mortem non exhorruerunt, & morienti Patriæ immori potius, ex dignitate publica iudicarunt. Ecce verò reuiuiscente Fortunâ Reipublicæ nostræ; Vidit Dominus Exercituum afflictionem Sarmatæ, & prout aliàs non volens iniquitatem Sacris Scripturarum Oraculis esse perhibetur: sic confusâ cœdifragorum hostilitate misertus est nostri: vt luctum nostrum in Cytharam conuerteret, & cœlestibus suppetijs, atque inuisibili spiritu fortitudinis, corda militiæ Polonæ ad vltionem de hostibus capeffendam obarmaret: Potentissimo IOANNI CASIMIRO Regi Nostro robur, & consilia, ad comprimendam multorum capitum rebellem hydram suppeditaret! & dementatos prætextu cuiusdam libertatis conscientiarum Sarmatas, in pristinum Religionis & constantiæ zelum reuocaret. Iubilant iam vniuersi Ordines, & lætum gratiarum Altissimo concinunt celeusma, prædicat misericordias Domini inops plebecula, quia multiformibus hostium re-

chnis,

chnis, ac fraudibus non est consumpta. Gaudet & Ecclesia Sancta; toto Orbe terrarum diffusa, & sua Diuinæ clementiæ, pro integritate Poloniæ suscepta, libentissimè exsoluit vota: vel ideò tantum, quia hoc intemeratum hucusque Christianitatis propugnaculum, è flamma & ferro hostili ereptum, ad inuidiam exterorum antiquæ restituit tranquillitati. Hinc & nostra Hierusalem Miechouiana, quæ Te Duce & Autore incipiet ædificari, vt ciuitas Regis Magni, cuius fundamenta in montibus sanctis Palæstinæ, & in collibus æternitatis defixa sunt, prout olim socia dolorum, sic etiamnùm particeps lætitiæ gessit præ gaudio. Quib' illa & quantis hocce tempore iactata sit tempestatibus, quàm sexies cum suis templorum ornamentis in prædam impijssimis hostibus abierit, quàm tres Sacras Ædes, & templa sua solo exæquata deplorauerit, quàm Regiæ Maiestati, & vniuersis Regni Ordinibus millies illachrymans, etiam si per hostem euiscerata: vsibus tamen Reipublicæ, Sacram suppellectilem Ecclesiæ suæ, non grauatim tradiderit, nemo est qui non videat, nemo quin si velit intelligat. Non aliunde autem hanc publicæ exultationis faciem illi video afflictam esse, quàm quod Te Illustrissime ac Reuerendissime Domine à modo Præsulem & Pastorem suum, suo videat in gremio consedissee. Non quispiam alius dolorem ipsius mitigasset Amphion vel Orpheus cum cythara: quomodo Tu cum ASCIA Tua capeffens eius fasces regiminis, exilaras abundè. Gaudet itaque bono suo, quod præuidet ex Tua præsentia, propè diem affuturum, gaudet zelozissimis Tuarum Virtutū conatibus, quibus neglecta ob Prædecessorum Tuorum culpam, Sponsæ ornamenta, compensanda audiuit! Quia verò cordialis gaudij affectus, non nisi per testes sese solet aperire voces, imbecillem facundiæ meæ Suadam vix non rigorosis Sanctæ Obedientiæ legibus obstrinxit, vt velut anser inter olores aliquid audere incipiam. Dabis ergo veniam P R Æ S V L Reuerendissime balbutienti eloquentiæ, audacter in gratulationes Tibi debitas gestienti, & quidquid Ominis auspiciatissimi ex Gentilitijs Tuæ Prosapiæ Illustrissimæ Armis, in spem Conuentus Nostri deriuabo, prout Tua Humanitas tacitè nobis polliceri videtur: æqui bonique consulens, benigno favore prosequeris.

ATq; vt inde tenuissimæ facundæ meæ, rudimenta proficiscan-
tur, vnde hæc pretiosior auro Gentilitij Tui splendoris tessera
processit: Satis superq; ad contexenda Tibi gratulationum fasti-
gia vel de domestico video accidere ornamento, dum Nobili-
ssimam Domus Vestræ Prosapiam, tantæ in Regno hoc amplissi-
mo Antiquitatis esse fatentur omnes, vt ob incomputabilem anno-
rum seriem eius initia non facillè sit inuenire. Obstupefcunt certè
eruditissimorum quorumuis ingenia, dum gemmam hanc, sanguini
Vestro connaturalem arrhabonem dignè à primordijs suis inuesti-
gare non valent, cessant conatus, defunt Vires, fatiscit eloquentia,
& non nisi vñitata in barbariem Sauromatarum inuectiuâ satis faci-
mus nobis; quod ad Martem magis, quàm ad Musas nata Polono-
rum ingenia, antiquitatis suæ elenodia stylo debito & fide Historica,
à principijs suis neglexerunt nobis scrutando recensere. Quid? Re-
feras initia Ascix, ad felicissimum orbis Dñæ Romæ Imperium cui
hæc insignia, & autoramenta Dignitatis fuere? At superius adhuc se
se porrigit eius amplitudo, quod & Iouis Olympij non aliud Sce-
ptrum antiquitus fuisse, quàm Asciam superstitiosa narrat Antiqui-
tas. Asseras cum multis post sæculis, Asciam Polonæ fundamenta
dedolasse prouinciæ, at commemorabunt alij fortissimos etiam I y-
dorum Reges, pro gubernaculis suarum Prouinciarum Asciam vsur-
passe: Demonstrabunt pleriq;, vix victas Amazones illas, incredibili-
um suarum victoriarum cursus, nonnisi Asciam promouisse: at quis
quis regiones terrarum, & stirpes Prouinciarum, quæ antiquitus ce-
leberriam sub sole fuerunt recognoscet; hæc arma virtutis, & indu-
strix suæ documenta gestasse comperiet. Despondent iam animos
nobilissimorum Historiographorum Codices, Ascix antiquitatem
inuestigantes, & concordibus calamis in has prorumpunt voces,
Topororum gentem nobilissimam non annis, non sæculis, sed æuo
& æternitate Regionum mēsurari. Dicunt alij Vetustissimam Starzo-
num familiam, Patriarchalem illam benedictionem à Domino sibi
vendicasse, & mentes suas altâ splendoris contemplatione defessas
non nisi ad occultas fatorum, & prouidentix Diuinæ latebras im-
mergunt! vt vel exinde vestris Gentilitijs laudibus condigni prode-
ant

ant Encomiaſtæ. Et meritò quidem. Quem enim a Patrijs, virtuti-
bus degenerare non prohibeat, acutiſſima eius ferri acies, quem a-
nimum imbellem, & formidoloſum non impellat, ad fortia quæ-
uis infractâ ceruicē ſubeunda, tali obarmatum propugnaculo? O
quam felix & fortunata illa dicenda erit Reſpublica quam Victricia
nominanda caſtra, vbi Aſciæ leges condunt, in transgreſſores earum
ſeuerè animaduertunt, & ineluctabili; ne ſibi noceant hoſtes; a cer-
uicibus ſuis propulſant armaturâ, Eò enim ſe ſe plerumq; nonnullo-
rum extendit licentia, vt poſtpoſito recti ac honeſti amore, omnia
quæ non licent, ipsis collibeant & expediant: niſi in eos Vigilantia
ſuperioris brachij ſtrictius intendat, & formidine pænæ a libidinē
ſcelerum coërceat. Vnde tot Regnorum fortiſſimorum olim inte-
ritus? Vnde tot Urbium muniſſimarum excidia? Vnde tot Vi-
rorum fortiſſimorum mortes? Vnde & noſtris temporibus diſſolu-
tiſſimis iam a tot annis exortæ rebelliones, niſi ex remiſſa iuſtitia &
ſummâ conuiuentiâ Magiſtratum, ad quam Sanctæ Leges iuſti-
tiæ velut telæ aranearum ſæpenumero rumpuntur: quibus præfra-
ctis gubernaculorum repagulis, in mille abſurda neceſſe eſt incide-
re Verum feliciter hanc publici regiminis Charybdin Aſcia de-
clinauit! quæ in totâ antiquitate iuſtitia Symbolum exiſtens, fora
& tribunalia Torquatorum, Manliorum, imò totiùs Imperij Roma-
ni honeſtauit. Quas lauros non meruit ſecuris hæc, ſecuritatſ &
Publicæ tranquillitatſ nutritrix? quæ Dictatoriâ quandoq; autoritate
cui brabatur, etiam ſanguini proprio non parcens modo Imperij
Maietas cum Reipublicæ fructu permaneret. Narrant antiquiſſima
Theonodiorum Reipublicæ monumenta, quendam ex Regibus illis
ob violatas leges caput filij ſui amputandum Aſciæ ſubieciſſe, & tam
in ſolatium Patri, quàm in exemplar non parcentis iuſtitia, effigiem
ſic decollati, Monetæ impreſſæ. Quid ego dicam de pretio, & ve-
neratione ipſius? non enim duntaxat apud Sarmatas debitus Aſciæ
honor impenditur, ſed quoquo terrarū oculos ac mentes conuerte-
rimus, pro immortalibus eius in genus humanum beneficijs, etiam
inter Phænomena aſtrorum receptam referre poſſemus. Mercuri-
us teſte Apologo cuidam ex popularibus ſuis, eburneam pro ferreâ,
C cœli-

cælitus demittens Asciam restituit, Turgitauri tribus filiis olim regnantibus in Scythia, inter cætera auspiciorum præfagia, Securis demissa, delusis fulgore auri adolescentibus, minimo natu nomen & omen ferrei imperij attulit. Vespasiani temporibus teste Plutarcho duodecim Secures è nubibus cadentes fasces imperij Tito detulerunt: & vt fabulas omittamus Elisei ad Iordanem Securis, Thaumaturga, tuguria prophetarum ædificans, mundi prælusit reparationi: Abimelech in fano Berith adiutrice securi extirpans idololatrias, post suos & Dei hostes humiliatos, futuræ Ecclesiæ victorias præfigurauit Verum transeant nunc fabulosæ Antiquitatis semimortuâ inuolucra. vt quid enim externa repetamus miracula, cum stupore? cum præstò adsint Topororum admirandæ virtutis prodigia quæ illustrarintne; Poloniæ splendorem, an potius a primis Regni inijs fundauerint, ipsam terram tot triumphorum feracem, licet non mei sit iudicij decernere, tamen hæc iam impleuerunt fastos æternitatis, & plenissima est eiusmodi exemplorum vetustas. Itaq; iactent alij suis aut Maiorum suorum meritis Reipublicæ huius libertatæ partam fuisse libertatem; respondebit Ascia se fundamenta libertatis Polonæ, antequam quidquam fieret, in principijs excoluisse. Numerent tot vulnera, & lethales cicatrices, pro patriæ salute toleratas; monstrabit Ascia innumerorum Heroum suorum mortes infinitas, pro Deo atq; ipsius religiosissimo cultu conseruando appetitas. Defendit quispiam ab incurribus barbarorum, Regni fines: hæc suis quandoq; exercitibus hostes propulsans, pace, & gloriâ vniuersam Poloniam clarificabit: In sagò & intoga, in curia & in senatu, trabeatas alij adornabunt curules, hæc Aristocratico subnixa sceptro; inter duodecim Palatinos, Regni Gubernatores, quorum vnus Toporeus erat, etiam thronos regales consuevit occupare. Multa, paucis complecti libeat; quod per partes alijs Diui, & Fortuna concesserunt, hoc ab antiquo rerum vsu, totum Toporeis innatum fuisse, suspexit Polonia: vt cum permultæ in hoc Regno Amplissimo reipledescant familiæ, hæc non adæquasse tantum alias, sed splendore & rebus gloriosè gestis plurimas superasse videretur. Nam vt prætereantur post Strazones Zbylutarum, Zegotarum,

gotarum, Zularum, Lampertorum, & Sieciechorum, virtutum non hominum nomina; quorum egregia facta, non Sarmatia tantum, sed circumcirca vicinae gentes suspexerunt: Tenczyniorum, & Osoliniorum recentioris æui memoriam frustra renouare, tenuissimo Suadæ meæ penicillo tentarem: pridem hos ad secururam posteritatis imitationem inscripsit Mnemosyne, qui prout ad sæculi sui ornamentum splendidissimè illuxerunt, sic ad præsentium temporum subleuandam calamitatem desiderabiles, & ad futurorum temporum medelam magnoperè erunt expetendi. Erubesceret certè calamus, magna modis tenuare paruis, & longissimus Toporeorum Heroium Cathalogus fieri deberet, si singulorum gesta, virtutes, & in Ecclesiã Dei promerita attingere allaborarem: Quos & præsens adhuc miratur, & postera ætas suspiciet. venerari magis tacito silentio velim, quam non paribus ingenij viribus ad commendationem Heroicarum Prosapiarũ anhelare. Vsitatã quidẽ temporũ consuetudine virtutẽ incolum odimus, dubio procul: (attestante Poëta Venusino) & sublatam ex oculis quærimus inuidi: verum erit erit illud tempus, quando Polonia Topororum indiga, si suæ indemnitati, & Reipublicæ dignitati consulere velit, vmbra saltem, si rem non licebit; bellatricis Asciæ votis suis vestigabit. Et quis obsecro, dignè cogitare, ne dum eloqui possit, quantis, & quàm formidolosis Regni temporibus, hæc acies par fuerit? Quã erga Serenissimos Reges obseruantia, quã in Patriam pietate ac prudentia, & quanto animi robore, ac Diuinã quadam virtute præcelluerit? Ego quidem extrema colligam, alijs prima & media speculanda relinquo.

Postquam enim Topororum Asciæ, deductis colonijs in nouam Granouiorum, & Pilecciorum propaginem germinarunt, postquam Comites de Pilca, deriuatis à throno Regali Splendoribus, multiplici Senatoriorum paludamentorum dignitate, velut Sydera in firmamento, sic in Hemisphærio Poloniae Illustres refulserunt, incredibile dictu est, quomodo ex Korytno, velut olim ex equo Troiano, sexcenti prodierunt Proceres Sarmatiæ, qui consilij pacis & belli solertissimi, militiæ flore vernantes, singulari pietate, ac in Deum amore ardentissimo feruentes, quidquid Pilecciæ debebatur Familiæ, sibi

debitum iure optimo vendicarunt. Exinde itum est in sæcula, non tam aurea, quàm aureorum Topororum feracissima. Quæ fuerint Comitum de Pilca prærogatiuæ? & quæ generis ornamenta? etiam me tacente tot Castellanorum, tot Palatinorum, aliorumque per Prouincias Poloniæ Gubernatorum dignitates, habetis. Sed quoniam parum est fortunæ ornamentis niti, quæ etiam indignos dignificans cæca Dea, plerisque indiscriminatum affingere consuevit. Prodeat in medium IANVSSIVS Comes de Pilca, Castellanus Sendomiriens. Palatinides Cracouiens. familiarissimus Regibus, qui olim Casimiri Magni temporibus, vnà cum germano suo Pocillatore Cracouiens. grauissimis pro Repub. laboribus perfunctus est. Prodeat & alter Nominis & ominis eiusdem, qui in Palat: Siradiensi Korytno, locorum amœnitate, & agrorum abundantia, domicilium suæ deligens puberati, maturiorem deinceps ætatem, non inter domesticos lares & otia popularia, verum inter anfractuosos Bellonæ labyrinthos consummauit, & tantæ Vir dexteritatis a grata posteritate commemoratur fuisse, vt multoties per medias hostiũ volitando phalanges, Turcas, Tartaros, Moldauos prosterneret, numerosissimasque barbariæ cohortes, animo & manu bellicosâ fugaret, dissiparet. Prodeunt & reuiscunt ex fastis Historiographorum Proceres dignissimi Thomas, Nicolaus, & Andreas Konicinij qui cum Patre suo inter acies Tartaricas tot relictis trophæis a telis hostibus tandem conciderunt: ex quorum vulneribus cum salus Patriæ tum certè Illustrissimæ Familiæ gloria, & amplitudo profluxerat Quid plura? Excutiantur Veterum annales, prodibit Ioannes Castellanus Siradiensis, spectatissimæ virtutis, & ad negotia rectè gerenda maximè dispositus Vir: prodibit eius Filius Zauichostenis Castellanus, qui prudentiâ in aduersis atque animi fortitudine infractus terribiles in Podoloia, Lithuania, & Prussia, per annos quinquaginta ausus exercuit, Prodibit & Albertus Lanciciensis Palatinus immortalis vitæ dignissimus; qui in quantâ Virtutis suæ æstimatione apud Principes Regni fuerit; ipsa Priuilegia & collati honorum apices profitetur abundè. Prodibunt & alij Nicolai, Andreæ, Christophori, cæterique Illustrissimi Maiores Tui, quos cum natura ipsa
ad supre-

ad supremos Dignitatum gradus capeffendos perbellè efformasset, repudiatis tamen Honoribus magis Illustres videri voluerunt, quam ceptis non prout Virtus suadebat Reipublicæ salutare. Prætereo consulto Chrystophorum Korycinski Castellatum Woinicensē Illustriss: qui qua Heroicâ animi magnitudine & quanta industria ad res prudenter gerendas excelleret testantur abunde celeberrimæ ipsius legationes ad varios Principes pro Regno expeditæ: Testantur ad Ioachimum Fridericum Electorem Brandenburgensem & ad Chrystianum Electorem Saxoniae summo cum splendore susceptæ professiones testatur & ad Matthiam Regem Hungariæ ad Imperatorem Romanorum tum & ad Regem Hispaniæ Philipum III. toties & tanto cum honore susceptum & expeditum Legati officium; ut ad inuidiam suorum externi quique Principes non alium neque aliter sua negotia tractantem Legatum expeterent; quàm cuius idæam Korycinius suâ dexteritate & exemplo exhibuisset. Quâ verò fidelitate erga Serenissimum Regem Sigismundum III. inter illos motus Ciuiles eluxerit quàm imberbis quantumuis adolescens Rokolsianorum factiones compresserit etiam silente me plurimi in fauorem Virtutum ipsius Historici tradiderunt. Vnum ego præterire non possum Illustrissimum Nicolaum Korycinski Castellatum Sandecensem & Oiconiensem Capitaneum sic tacito quodam naturæ instinctu, ab adolescentia statim efformatum ut ad grauissimas functiones maximâ cum laude obeundas & ipse & soboles eius aptissimus euaserit. Non deerat digna tantis negotis vox & facies; quæ Heroicas Virtutes concinna membrorum compositione longè pulchriores & gratiores omnium obtutibus repræsentabar. Nulla causa emerfit tam, perplexa, quàm celeritate consili; non explicaret, nullum negotium tam arduum quod bonitate ingenij non expediret. Quantâ eloquentiæ laude & rerum gerendarum peritiâ in Comitij & Conuentibus Regni floruerit licet plerique superstites adhuc flexanimæ ipsius suadæ auditores luculentissimum testimonium possent dare: Vnus tamen Illustrissimus pariter & Excellentissimus Stephanus Korycinsky Supremus Regni Poloniæ Cancellarius tantus tanti Patris Filius viuam nobis profert imaginem Virtutum Paternarum

D

nectare &

nectare & ambrosiâ dulcior è labris ipsius destillat Oratio & quod olim iactabunda Græcia in sui Xenophontis ore Musas sesitasse gloriabatur; hoc de Cancellarij sui ingenio iure meritissimo Polonia deberet prædicare. Quid vero Ioannes Castellanus Osuiecimensis Illustrissimus Parens Tuus aut quo in loco à grata posteritate recolendus erit? qui cum Fratre suo velut duo fulmina belli Scipiadae aut Decij quantum in Senatu ornamenti tantum in bellis & necessitatibus Patriæ adiuventi attulerunt. Demonstrarunt sæcula quæ Vetus paræmia ait non imbellem à feroci aquila progeneratum fuisse columbum immo ex Martis, non matris gremio ad tractanda bellorum negotia euolasse subito admirabantur omnes, ita enim peccatori eius arrikerat sanguinolentus Mars: ut in bello Moschouitico fortissimus olim Stephanus Rex & in Luonico Pientissimus Sigismundus III. non alium expeditiorem bellatorem sibi inuenirent quam Illustrissimum Parentem Tuum qui nedum sanguine proprio sed & sumptibus immensis Regiam Dignitatem fidelissimo obsequio sciret promouere. Et deuouerat se ille quidem pro Senatoriæ grauitatis exigentia, Patriæ excolendæ, usque adeò; ut præcipuam candoris, prudentiæ, & moderationis laudem, vno omnium ore reportaret: sed magis mereri trabeatos honores, quàm aucupari aulæ fauores intentus: Dignitates Patriæ eatenus admittebat, ut dignissimus omnium centurâ maximis titulis videretur. Omittam consulto innumera ipsius Dignitatis testimonia, quæ singularem à me requirerent Panegyrium, ob insignem eius in Patria iuuanda prudentiam, ob constantem Reipublicæ charitatem, ob indefessum Religionis propagandæ, & Ecclesiæ Dei amplificandæ zelum, imbecillis facundia mea tot & tantis virtutibus depressa conticescat necesse est. Sciet posteritas Illustrissime P R Æ S V L, quæ vetustissimæ stirpis Tuæ fuerit gloria, & quantis Cunulibus in faciem Reipublicæ introducta celsitudo. Quoties Polonia libertatis domicilium, Nobilitatis seminarium, domitrix gentium barbararum, Hæreticorum massæ, & Ecclesiæ Dei Antemurale prædicabitur, toties in comitatu Laudum Sarmatiæ Illustrissimi Comites de Pilca, in Toga splendidissimi, in sago bellicosissimi, linguâ Nestores, manu Aiaces, Religionem

quod gione Pompilij, consilij Catones, legationibus Cyneæ militiæ di-
glo- sciplinâ Torquati, celebrabuntur. Enim verò non excitentur illi,
a de- qui desiderium sui duntaxat in hac orbitate Poloniæ relinquentes,
is Il- ipsi autem in Superno Spirituum Capitolio, Beata Æternitate fru-
olent- entes, conquiescunt; adsunt adhuc aderuntque nobis Illustrissimi
e aut Fratres Tui, & re, & Nomine K O R I C I N I I, vetustissimæ virtu-
tati- tis Poloniarum Cultores acerrimi, adest Illustrissimus A L E X A N-
Ve- D E R, Palatinus Rauensis, planè Martem spirans; adest S T A N I-
fuisse S L A V S, Castellanus Becensis, Senatoriam verè redolens magna-
a bel- nimitatem; adest & S A M V E L K O R Y C I N S K I, Terræ Cra-
n pe- couiensis Pocillator, Vir & Iuris, & Iustitiæ consultissimus, horum
o for- omnium quisquis virtutes perspexerit, impossibile est, quin veteris
nun- Sarmatiæ Viros, quibus stetimus hucusque, vnà mecum reco-
quam gnoscat!

Et meditabatur quidē victa vestris Splendoribus iam ad portū
sciret suum vela dictionis contrahere Oratio, sed ecce Tu Reuerendissime
tatis Præsul, in occursum tenui suadæ meæ progredieris. Quocirca lice-
oris, at mihi Te Vna cum Illustrissimo Patrueli Tuo, Regni huius Supre-
aret: mo Cancellario adoriri? liceat in sacrum honorem vestri delaben-
lores tem admirando in vestris Virtutibus defixo sermone quiescere tantisper.
imus per. Non suffecit vobis tot Auspiciis prodijisse splendoribus, nisi admi-
o in- randa pietatis, eruditionis, cæterarumque Virtutum specimina
uire- proprio Marte dedissetis. Non quæsiuistis ex fumosis imaginibus
iam, ostentationem, non ex fortunæ fauoribus elationem, non ex lau-
onis dum Vestrarum abundantia intumescantiam aliquam accersistis,
cun- sed ætatis pulcherrimæ, & excellentissimis naturæ dotibus instructæ
Sciet Ver, non ad rubiginem optimarum mentium scilicet ignauiam,
Tuæ sed ad feruidam scientiarum Palæstram, non ad vllā vitæ mollicis
lecta blandimenta, sed ad rigidos in studio Accademiarum labores, non
tatis ad voluptuosas vanissimorum hominum illecebras, sed à primis vn-
ma- guiculis statim ad Sanctimoniam vitæ, ad pietatem & ad dignam
itatu Curulis Senatorijs doctrinam exposuistis, instituistis. Et cum non
endi nullorum flexibilis, semper in deterius ætas iuuenilis inter Vernan-
Reli- tis Italiæ, flores soleat marcescere; Vos peragantes Europæ cultio-

res nationes , cum Theſauris doctrinæ & eloquentiæ politioris , ap-
paratu , vbique odore Virtutum fragrantiffimarum , & deſiderabili
Veſtri nominis memoriâ reliâta deſideratiſſimi Ciues Regni ample-
ctenti Patriæ redibatis incolumes. Tu Illuſtriſſimæ Præſul poſt de-
poſitam inuentutis tuæ prætextam , quando in ſpem Patriæ ab exte-
ris reuertebaris an non eâ quæ Eccleſiæ Dei conuenirent maturè tibi
in ſtudio Romano proſpiciens , ad Rempubicam tecum attuliſti
quicunque Te Tuosque in peregrinatione mores cognouerunt , no-
runt , ſemper pietate grauem , grauitate conſtantem , & conſtantia
venerabilem ſemper fuiſſe , vt quocunque te in tranſcurſu extera-
rum nationum contuliſſes vbique locorum Magnanimitatem Ko-
ryciniam & Deum actionum Tuarum teſtes te habere probares.
Ecce vero qui fuit vitæ Auspex & vltioris vocationis Idem Mode-
rator Deus patefecit nobis quo Te Tuique ingenij Indolem inclina-
ret , noluit Te ad profanos vſus cum talento genij Tui conuertere
voluit in ſortem ſuam & Regale Sacerdotium adſciſcere , voluit ad
gubernacula Sponſæ ſuæ Eccleſiæ admouere , vbi pro ornamento
Orthodoxæ Religionis , & ædificatione honeſtatis Cleri Aſciâ Tuâ ,
deſudares ; antiquitatemque Proſapiæ Tuæ Illuſtriſſimæ , nonniſi ad
illuſtrandum inter tenebroſas Hæreticorum procellas Catholico Ro-
mani Ritus ; antiquitatem elaborares Quid vero an fruſtrata ſpes
noſtræ ? an inania vota ? & eluſa deſiderata ſunt ? qui Te vident no-
runt luculentiffimè , qui verò non vident , gratiſſimis animis atque
auribus Tuæ Pietatis conatus proſequuntur. Admiratur noſtra æ-
tas , quo zelo , & quantâ contentione , expulſâ latrocinij Suetici ex
Metropoli Regni barbarie , ſacra Lipſana ab iniquis poſſeſſoribus Se-
reniſſimi Regis noſtri Commiſſarius repetieris : & quemadmodum
olim Reliquijs Sacroſanctis Martyris Adalberti è Pruſſica Tyranni-
de auri pondere æquali perſoluto , omni gaza pretioſioribus trium-
phis Poloniam impleuimus , ſic hac nouâ pietate Poloniæ in ſpem
erigimur manifeſtam , quod ex mortuorum Oſſibus venerandis ite-
rum reuiuifcet Polonia , ad vindicandas Patriæ & Sanctorum eius
iniurias , & obſtupescant olim Poſteri victorijs à Numine placato ,
cùm feraciſſimam meſſem triumphorum meſſuerint in campis Po-
loniæ

loniæ cumulati, in quibus Tu exemplari pietate, sementem gloriæ Dei, & Sanctorum venerationis seminasti. Ausim dicere Te Illustrissime P R Æ S V L, ad terrâ Sanctam & benedictam Palæstinæ, quasi iure Tuo accedere, cum quod Regalis fauor, & Benedictio Apostolica Tibi confert munus, antecedentibus meritis Tuis. & quæ sola apud Deum valet Pietate; promeriturus Præsulatus nostri officium consequeris.

Quocirca apprehende die hodierna Præposituræ Miechouiensis Canonica fastigia, ad quæ Te P R Æ S V L Illustrissime, Religionis Catholicæ zelus, Maiorum Tuorum exempla pientissima, & nostra omnium vota, plenis Fauonjs Zephyrisque deduxerunt. Capesse scutum inexpugnabile Hierosolymitanæ Antiquitatis: Cruore Redemptoris nostri Crucem purpuratam, in quo Signo Sæculorum splendor, & omnem Regum terræ Maestatem superans, residet Amplitudo; Laboriosissimæ Tuæ & Nobilissimæ A S C I Æ, quoties ad mentem vsque penetrauerit acies, toties Crux nostra Tui & totius Poloniæ Nomini Decus & ornamentum resplendescat in oculis; ex Christi Stemmate, authoramentum Tuis Virtutibus præparans ad immortalitatem, cuius Te vnâ cum Maioribus Tuis Illustrissimis, perquam cupidum esse cognouimus omnes. Gaude itaque hoc Tuo tanto tamque excellenti bono, & fruiere cum fortunâ & gloriâ Sanctæ terræ fortunis, ut à modo Te sibi Æternitas Hæredem adoptare incipiat. Gaudet nostra Ecclesia, non tam pridem excrandis Sueticæ Hæreseos spoliata rapinis, cum Te Protectorem sui & hostium suorum oppugnatorem acerrimum, tantis à Deo coronari Honoribus intueretur. Esto quod plurimas Sacras Ædes dirutas, & solo æquatas, hostiles deuorauerint flammæ, erit tamen, vnde nouum lætitæ Præana intonemus, dum A S C I A M Tuam, ad abradendas hostilis rabiei maculas idoneam, & ad reædificanda Deo & Sanctis eius Delubra, & Ecclesias promptissimam videamus. Esto quod multam auri & argenti farraginem militaris à nobis abstulerit manus, at horum omnium Sarmaticus ager fertilis est, qui iacturam suppellectilis Ecclesiasticæ, per manū munificentie Tuæ recompensabit. Esto vniuersa nostra penetralia, simul cum Regni arcanis lustrauerit

E

uerit & explorauerit hostis Patriæ, at Vniuersa hæc leuipendens con-
temnet Sarmatia, fidelissimo Regni sui innixa Secretario, qui & ho-
stiles conatus maturè peruidebit & maturitate consiliorum ad quos-
uis ingruentis hostilitatis motus, Patriam obfirmabit: Est itaque
Præsul Illustrissime quod die hodierna Regni Ordinum mentes, in
nouas prouocet iubilationes, est quod diuturno exanimatos maro-
re Sarmatas refocillet, est inquam quod hanc afflictam Domum Do-
mini, & Vetustissimi Ordinis Canonici familiam, olim ab æuo A-
postolorum Hierosolymis, nunc à sexcentis annis in Polonia labo-
rantem consoletur, cum Te in Miechouiensi Cathedra Magnis nu-
per Antecessoribus Tuis præfessa videant confedissee. Patere ergo
nunc in occursum Tibi nostros animos inclinari, qui mentibus no-
stris quotquot in Tuo multum iucundissimo conspectu lætamur,
immortalis obseruantix vectigal induxisti. Patere nomini Tuo fe-
stiuas gratulationum depromi voces, concede vt lætum *χαίρει* om-
nis status, & conditionis plena Miechouia gratulabundis applausi-
bus Tibi occenter, quæ cum obligatione Pastoralis in hisce Vestibu-
lis institutum ad se recipit Pastorem. Salutat Te Ecclesia nostra,
Sponsa Tua; inuisibili Spiritus S. gratiâ & Septiformi Munere ador-
nata, s. subijcit Tibi; vt Tu ipsi Caput eius: Diuinâ præeunte gra-
tiâ Cælestium virtutum dotem, & prouidentix arrhas assignes. Sa-
lutat vniuersa Hierosolymitanorum Canoniorum Corona, quæ
Tuo Regimine & in terris, à mundi huius procellis se posse defendi,
& Tua curâ ac vigilantia, Cœlestium charismatum donis repleti spe-
rat & confidit. Salutant subditi Dominum discretissimum, Paupe-
res Mecænatem liberalissimum, afflictæ Iudicem Æquissimum, præ-
stolantur: Vna omnes in conspectu Tuo perfusi læticia quod a mul-
to tempore expectatum, saluum tandem, & incolumem die ho-
dierna ad se aduenisse cognouerunt. Ingredere igitur Pastor zelan-
tissime Gregis Tui Ouile: posside Cathedrâ Magnorum nuper Epi-
scoporum & Eminentissimorum olim Cardinalium tam in Regno
quam in Ecclesia Dei purpuratorum; Patrum nostrorum vestigijs
collustratam. Sit Tibi Virtutibusque Tuis Sedes hæc ad altiores in
Polonia Dignitates, gradus, & iter expeditum, prout Primati Re-
gni hu-


gni huius Professo nostro Lubienscio, Słonczeuio, Thurscio, & extra Nos, Gembicijs, Zadzicijs, Tylicijs, Pstroconijs, cæterisque sexcentis Poloniae Luminibus Illustrissimis, fuit scala Honorum, & apud Deum, & homines, merendi occasio luculenta. Dignum Te concordibus arbitrabamur votis, quem mundi Rector Deus, Regalibus Sanctissimæ Memoræ CAROLI FERDINANDI, Poloniarum Principis, Antecessoris Tui Pientissimi, & in hanc Hierosolymitanam Familiam munificentissimi, surrogaret Auspicijs Intende igitur prosperè, procede feliciter, & præsis. ita PRÆSUL felicissimus, vt prodesse nobis, prodesse Patriæ laboranti, prodesse Tuæ, & nostræ Æternitati, felicissimè annuat coelum. Hoc tibi die hodierna Nobilissimus hic Hospitum Illustrissimorum cœtus, hoc deuotissimus Canonicus Ordo noster, hoc promptissimus Tuæ ASCIÆ Panegyrista, medullitus exoptando, vno ore & corde omnes gratulabundi apprecamur. Viue quàm diutissimè DEO, Patriæ, Nobis, & Ecclesiæ.

DEO OPTIMO MAXIMO,
& Virgini Matri, semper Honor
& Gloria in æternum.





Sub Auspiciis
Admodum Reuerendi Domini
STANISLAI DZIANOTT,
S. Th. DOCTORIS,
AC PROTONOTARII APOSTOLICI,
Conuentus Generalis Miechouiensis
CUSTODIS,
Et ad Pontem Regium Cracouiæ
S. Hedwigis
PRÆPOSITI.



J. XXIII. 2.

Biblioteka Jagiellońska



stdr0024767

